



Universitätsbibliothek Paderborn

Instructio practica ...

De Conversatione Apostolica - A Curatoribus Animarum piè & fructuosè instituenda ; Complectens varios & solidos modos juvandi & consolandi diversorum Statuum Personas afflictas, præcipuè aegras & captivas ...

Lohner, Tobias

Dilingæ, 1680

Memb. III. Quomodo Infirmus alios homines alloqui possit.

[urn:nbn:de:hbz:466:1-49274](https://nbn-resolving.org/urn:nbn:de:hbz:466:1-49274)

ctissimam ejus voluntatem sollicitè indagare, atque perfectè implere studeatis, sicque digni efficiamini promissam vobiscum in cælis hæreditatem accipere, quam vobis & mihi commenter concedere dignetur Pater, & Filius, & Spiritus Sanctus. Amen.

MEMBRUM III.

Quomodo Infirmus alios Homines adfuites alloqui possit.

I. **P**erdilecti Amici & Fratres in Christo, cum jamjam egrediar viam, per quam omnes ad alteram vitam transire oportet, neque sciam, quâ horâ Dominus noster venaturus meque à gratissima vestra Societate abstracturus sit, hæc mihi cum vestra venia ante abitum meum, animi mei mensura, desideriaque explicare.

II. Inprimis ergo confiteor, me, dum jamjam superius iudicio me sistendum credidi, ideoque vitam & opera mea diligentius examinavi, in ijs omnibus nihil reperisse, nisi tantam & afflictionem animi, solis illis operibus exceptis, ad debitum DEO amorem, servitiûmque præstandum. Omnes proinde adhortor, ut commodis ac saluti vestrae magis prospiciatis, & totos vos divino cultui, servitiûmque Deo no consecretis, ne serò olim errorem vestrum agnoscentes sine spe correctionis deplorare cogamini.

III. Secundò confiteor, me in omnibus meis adversitatibus & præcipuè in hac ultima mea necessitate nullum meum solatium, ac robur animi invenisse, quàm spem atque fiduciam, quam in meritis acerbissimæ Passionis & Mortis Christi Domini mei collocavi, & patientiam, per quam ipsi conformare studui. Quapropter & vos adhortor, ut similem fiduciam in his sanctissimis & infinitis meritis collocetis, & quidquid DEUS pro vestra salute permiserit, cum magna patientia, gaudiòque accipiat, ut in altera vita magis copiosius gaudium percipere possitis.

IV. Tertiò confiteor potissimam spem & securitatem meæ salutis in præsentis statu mihi oriri per exiguam quietem sed constantem devotionem, quam erga SS. DEI Matrem, Angelum Custodem, & reliquos Patronos hætenus ostendisse, per quorum proinde auxilium & intercessionem, sicut ego

modò veniam meorum peccatorum, defensionem contra hostes, & felicem ex hac vita transitum me impetraturum confido, ita vos quoque adhortor, ut in cultu horum Patronorum constanter pergatis, & per hoc tam efficax medium salutem vestram asscurare studeatis.

V. Quartò confiteor, quòd hoc tempore nullius rei magis me pœniteat, quàm peccatorum commissorum, & temporis tam malè impensì. Atque utinam mihi hoc tempus redimere liceret, ò quàm multò fructuosius illud impendere, singulâque momenta observare vellem! Vos ergo, Dilecti, damno meo respicite, & concessum vobis tam pretiosum & acceptabile tempus fructuosius impendere studete.

VI. Non minùs quintò confiteor, me tam à vobis, quàm ab aliis absentibus Amicis innumera beneficia accepisse, sed proh dolor parùm agnovisse, aut compensâsse, omnes proinde, quos unquam offendi, demissè, ut ignoscant, rogo, simulque gratias amplissimas pro acceptis beneficiis persolvo, pollicorque, me in altera saltem vita DEUM pro ijs deprecaturum, ut tantam illis charitatem ac beneficentiam milleuplo scœnore compensare dignetur.

VII. Et si verò ob hanc meam ingratitude indignum me agnoscam ulteriori vestro beneficio, confidens tamen Christianæ vestræ dilectioni, & misericordiæ, etiam atque etiam rogo, ut tria mea desideria & petitiones implere dignemini. Primò, ut, quoniam ego solus sufficiens non sum ad debitas DEO pro acceptis beneficiis gratias persolvendas, vos me in hoc debito solvendo adjuvare, atque ad eò meo quoque nomine copiosè pro tantis favoribus DEVM benedicere & laudare studeatis. Secundò, ut eâ sollicitudine ac charitate ultimam meam voluntatem impleatis, & meos relictos Liberos, aliòsque Consanguineos fovatis, quo desideratis vestram olim in simili casu voluntatem impleri, & Consanguineos foveri. Tertiò, ut tam in residuo vitæ meæ brevi tempore, quàm post mortem meam fideles vos Amicos ostendatis, & tum devotis precibus, tum alijs pijs operibus ita mihi succurratis, ut & vitam meam feliciter claudere, & sine diuturno Purgatorio celeriter ad optatam beatitudinem pervenire valeam; ubi & ego vestræ charitatis diligenter memorem me

futurum, precibusque meis, quantum potero, compendiorum promitto.

VIII. Valete, Amici dilectissimi, & ita vivite, ut quando in æternum vivere valeatis. Ita voce ex animo Deumque suppliciter obtestor, ut hoc meum votum ad hanc majorem gloriam, meumque ac vestrum solatium, ac salutem copiose implere dignetur. Per Christum Dominum nostrum, cui cum Patre & Spiritu sancto sit sempiternus honor & gloria. Amen.

§. XIII.

Quibus medijs uti debeat Operarius ad moribundum animandum, & ad mortem ritè disponendum.

Cum ad finem vitæ propius accedere videtur æger, omnia curandum est, ut removeantur, qui bonam præparationem ad mortem impedire possunt, quales sunt nempe Liberis, Coniunx, & similes, qui humanos potius affectus, quam spirituales excitant. Postea verò ipse Operarius viribus se convertat ad animandum, protegendum, adjuvandum moribundum, ut piè & christianè decedat, in finem Indulgentias, Aquam benedictam, Cereum sancti Crucifixi effigiem, sanctissima nomina JESUS & MARIA, & pias denique aspirationes potissimum adhibebit, de quorum singulis quid observandum sit, sequentia membra docent.

MEMBRUM I.

Quid circa Indulgentias moribundorum observandum.

I. Non est hic animus de pluribus indulgentiis, quas moribundi obtinere possunt, fusius disserere, sed de ijs duabus, quæ propriæ sunt moribundis, de quibus tria præcipue observanda sunt ab Operario.

II. Primum est, ut sciat, quinam Indulgentias moribundorum lucrari possint. Pro quo intelligendo sciendum est, duplicis generis indulgentias moribundis solere concedi, quæ ab alio applicari debent; alias, quæ nulla alterius applicatione indigent, quales esse concessæ censentur, si